

Þáttur af Karli vöcla i Magnúsar sögu góða kap. 4-9.

Brandkrösaþáttur gefinn út i „Nordiske Oldskrifter.“

Þáttur af Leifi Össurarsyni, Fereyngasaga, kap. 49. 599.

Þáttur af Audunni vöfvarka i Haraldrar sögu harðráða, kap. 72-75.

Þáttur af Brandi hinum öfva i Haraldrar sögu harðráða, kap. 96.

Þáttur af Egli af Vandilshaga, hvernig annarsstaðar gefinn út svo eg viti.

Þáttur af Oddi Ufugssyni i Haraldrar sögu harðráða, kap. 106-108.

Þáttur af Blöð-Egli i Knyflinga sögu, kap. 33-40.

Þáttur af Hákonu Hárekssyni i II. bndi af Fornmanna sögum, bls. 422-439.

Heri indeholdes de af Rector B. Thorslacius
i Anledning af det Kjøbenhavnske Universi-
tetis Høitideligheder Tid efter anden indgivne
samtlige Smaafortællinger paa Latinsk og af
ham oversatte paa Latin tillygemed en, for
hver især, forordnings anledning. Disse
Smaafortællinger (poetis) ere følgende:

1. poetis af Karl Læsla (Der gestis Caroli Caroli diti) / 1615.
2. Andersens poetis (Historia de vitulo pulchro in fronte macul. hab.) / 1616.
3. poetis af Leif Brunnarson (Der gestis Leif Brunnarson s. Brönn) / 1617.
4. poetis af Anders Brönnarson (De studijs Regim. benoniem inuicem) / 1618.
5. poetis af Anders Brönnarson (De Brönnarson Liberali) / 1619.
6. poetis af Egil af Vandilsson (De Egilo sub Brönnarson m. profecto) / 1620.
7. poetis af Egil af Vandilsson (Narratio de Albo Ofegis filio) / 1621.
8. poetis af Albrecht (De Erico de haustu sangu. munc. sub can. St.) / 1622.
9. poetis af Anders Brönnarson (De Hæxone Licenti sub Brönnarson) / 1623.

Desuden:

Specimen de Erico Augo Gröndandis amantore / 1611.



SOLENNIA ACADEMICA

AD

CELEBRANDUM

DIEM XXVIII JANUARIJ MDCCCXIX

REGI NOSTRO AUGUSTISSIMO

FREDERICO SEXTO

NATALEM

HABENDA INDICIT

UNIVERSITATIS REGIAE HAVNIENSIS

RECTOR

FREDERICUS THEODORUS HURTIGKARL

REGI A CONSIL. STATUS, ET PROF. JURIS PUBLICUS ORDINARIUS

CUM

SENATU ACADEMICO.



Commentarium anecdotum, de Brando, Liberali dicto, islandice et latine edidit cum præfatiuncula,
festo huic prolufurus, D. BIRGERUS THORLACIUS, PROF. EL. LAT.

TYPIS SCHULTZIANIS.

SEVATU ACADEMICO

PROFESSOR

DE

INSTITUTO AGRARIO

FREDERICO SIXTO

SEVATU

ACADEMICO

PROFESSOR

DE

INSTITUTO AGRARIO

SEVATU

ACADEMICO

PROFESSOR

L. B. S.

Cum redierit dies, quo nullus Daniæ solennior, videlicet XXVIII^{ma} Januarii, qui vitæ Regis nostri Augustissimi **FREDERICI SEXTI** annum candidus apposuit, Universitas Havniensis, bonorum omnium civium vota participans, faustissimis pro Regis Domusque Regiæ incolumitate et salute omnibus Monarchæ Clementissimi natalia prosequitur. Ad festum itaque Academicum, quo pios gratosque in Regem sensus publice exprimemus, Te, benevole Lector, invitaturi anecdotum aliquem, cum historia boreali cohærentem, Commentariolum more nostro publicabimus, sperantes, eum, in summa licet brevitate, sua et simplicitate et concinnitate Tibi non displiciturum.

Titulus est: *Þáttir af Brande Vermundarsyni hinum örva*, i. e. Historiola de Brando Vermundi filio, cognomine Liberali. Agit de viri Islandi apud Haraldum Severum Norvegiæ Regem commoratione, deque modo, quo ille a Principe tentatus cordatum callidumque se exhibuerit, atque ita solertia moderationi mixta Regis gratiam sibi conciliaverit. Edimus libellum juxta bonum codicem chartaceum, quem possedit olim beatus Johannes Erichsen, forma 4^{ta}, recentem quidem, sed ex antiquo eodemque optimo exemplari transcriptum. Argumentum ejus magnus quidem Torfæus in Historia Norvegica attigit, sed brevissime, et sic, ut incertum relinqueret, utrum de Bardo an de Brando sermo esset. Celeberrimus apud nos bibliothecæ Sagarum editor S. V. Mullerus in primo egregii hujus operis volumine hunc commentariolum prætermisit, sine dubio quia Sagis (vol. 3^{io} exponendis), cum historia Norvegiæ magis quam cum Islandia cohærentibus eum accensuit. Dignus certe videtur, qui integer typis exprimatur.

Cum Haraldus Severus Sigurdi filius in Norvegia annis 1047 ad 1066, iisdem, quibus Sueno Astrithides in Dania, regnaverit, tempus eventui, de quo hic agitur, assignandum, inter illos annos erit quærendum. Sed si vera sunt, quæ ex Laxdæla-Saga de Brando mox afferemus, initium potius imperii Haraldini quam seriolem quandam ejus partem hic cogitandum censemus. De tempore, quo conscriptum fuerit tam curtum opus, longe disputare haud necesse. Qui talibus dijudicandis asseverint, illud ad finem seculi XIIIⁱⁱ, putamus, referent; sed lubenter fatemur, ejusmodi indicia a sensu magis, quam ab argumentis ad explicandum certissimis, pendere.

Snorro Sturlius, historiæ Norvegicæ pater, in rebus gestis Harald Severi exponendis historiolum nostram de Brando non inseruit. Negotia regis cum privato privatim transacta non ea ipsi videbantur, quæ gravioribus locum præriperent. "Quæ Rex, ait ille Sagæ Haraldinæ capite XXXVI^o, præclare et fortiter gesfit, multo sunt plura hic non scripta; cujus rei in causa nostra est inscitia, nec non, quod huic accedit aliud, nos teste carentes historias libris nolle inserere: quamvis enim narrata aut dicta acceperimus plura, nobis tamen melius videtur, nostra ab aliis posthac augeri, quam necesse fore, ut hæc eadem auferantur;" et in capitis fine: "Haraldus Rex ad Islandiam campanam misit, ædi sacræ donum, cui ligna miserat Rex Sanctus Olaus in campo fori universalis exstructæ. Talia terræ hujus incolæ habent monumenta memoriæ Harald Regis multaque alia donorum insignium, quibus viros auxit se visitantes."

Verum

Verum multæ aliæ Sagæ Islandicæ, ineditæ pariter ac typis vulgatæ, Brandum ita commemorant, ut pateat, eum non modo inter viros ab occidentali insulæ quadra, in qua ipse habitabat, oriundos, sed omnino inter Islandos singulari liberalitate fuisse celebrem. Tales sunt:

Ex anecdotis

- a) *Laxdæla-Saga*; quæ in Cap. 2 genealogiam Brandi, a Ketillo Flatnef (Simo) deductam adfert; et in Cap. 40^{mo} (juxta Codicem Membranaceum Collectionis Magnæanæ in Fol., in aliis Codicibus, uti uno chartaceo quem possedit olim Joh. Arnesen cap. 44^{to}) refert, quod Brandus una cum Kiartano, Halfredo Vandradaskald aliisque Islandis Nidarosiæ apud Olaum Trygvium fuerit, Regique ipsum et ceteros ad religionem Christianam adoptandam cogere volenti tum quidem obstitit; addit auctor, Brandum magna apud populares existimatione ibi floruisse.
- b) Cum Viga-Styr Vermundi frater, Brandique patruus esset, ea quæ de Styro et Vermundo cum in *Laxdæla-Saga*, tum in *Viga-Styrs-Saga* atque *Fosbædra-Saga* leguntur, lucem non levem rebus Brandi gestis affundunt. (conf. Codices chartacei Magnæani N. 450. B. et N. 565. formæ 4^{te}).

Ex impresfis

- a) *Kristni-Saga*, quæ in relatione de Isleifo Episcopo, de Brandi Liberalis apud Regem Olaum Sanctum commemoratione hæc narrat: "Brandum Rex valde honoravit, eique festo quodam die dixit: Togam hanc a me accipe. Erat vero coccinea, pellibus mustelinis subtexta. Isleifus postea ad urbem venit, et a Brando bene exceptus fuit. Erat Isleifus tum sacerdos, et penuria laborabat, utpote e meridionali plaga adveniens. Tunc Brandus ait: Accipies a me togam, quam Rex mihi dedit. Isleifus: nondum, inquit, te munificentia destituit; ego vero lubens accipio. Solenni die, cum Rex discumberet, Brandum intuens ait: Cur hodie togam non sumisti, quam tibi dedi? Respondit Brandus: donavi eam alicui sacerdoti. Rex regesit: Cuperem hunc sacerdotem mihi in conspectum dari, ut noscerem, qua tu necessitate ductus tam propere dono Regio te privaris. Et musitabant homines, inconsulto satis hoc factum fuisse. Convenientibus ad templum Brandus ait: Domine! en tibi sacerdotem templo adstantem et toga indutum! Rex, eum intuens: alia, inquit, ineunda est ratio, Brande! Ego illi togam donare volo. Voca ad me sacerdotem. Brandus iussa se facturum respondit. Tum Regi se sistens Isleifus eum salutavit. Rex salutem benigne accipiens dixit: togam, sacerdos, quam Brandus tibi dedit, ego nunc tibi dono, eamque Brando compensabo; is enim mihi videris, cujus me precationibus involutum vellem. Domine, ait ille, optimum alias mihi donum Brandi visum est, nunc vero mihi multo pretiosius, quod id a te accipio" (Vid. Editio Havnienfis 1773. 8^{vo} p. 130-32).
- b) *Eyrbyggja-Saga* cap. LXV^o hæc habet: "Pontifex (göpi) Snorro Tungæ viginti annis habitavit, primum quidem cum magna multorum invidia. — At cum senesceret, inimicitiae adversus eum vel hac de causa decrescere coeperunt, quod pauciores evaderent, qui illi inviderent: id quoque amicitias illi conciliavit, quod cum viris summi in Breidafjörðo et passim alibi nominis affinitates jungeret; sic filiam Sigridam nuptum dedit Brando Liberali, Vermundi Gracilis filio." (Editio Havni 1787. 4^{to} p. 335).
- c) *Saga af Finnboga hinum rama* Capp. 41-42 honorificam Brandi facit mentionem. Admiserat Finnbogius inter suos domesticos virum, quem Brandus ob eandem alicujus ex ipsius cognatis proscripserat. Cum hic viri misertus eum a se amandare ex Brandi monitu nollet, Brandus cum magno comitatu eum subita aggressione opprimere conatus est. Sed res aliter cecidit. Finnbogio saxorum jactu se strenue defendente, et sociis dein auxilio venientibus, Brandus consensit, ut salvo ipsi proprio de re judicio perpetuam inirent amicitiam, quam Finnbogius cimelia a Græco imperatore ipsi data donando generose sanxit. (Vid. editio Vatnsdæla-S. et Finnboga-Sagæ a. 1812. Havniæ per E. C. Werlauff V. Cl. curata 4^{to} p. 344-358.)

Cum ista omnia Brandi celebritatem satis confirment, patet Commentarii hujus fides atque probabilitas. Hinc ad ipsum textum latinamque ejus versionem progredi possumus.

Þáttur of Brandi hinum Örva Vermundarfyni.

A einu sumri kom til Norvegs utann af Íslandi Brandr son Vermundar hins miófa í Vatnsfirde; hann var kalladr Brandr hinn örvi, ok var hanum þat sann-nesni. Brandr lagdi skipe sínu inn til Nidárófs. Þjóðólfr skáld var vinr Brands, ok hafði margt sagt Haraldi konungi frá örleik hans ok stórmennsku. Enn er Brandr kom til bæiarens, sagði Þjóðólfr þat konungi, ok ræddi þá enn margt um vinsældir hans á Íslandi ok örleik. Þá mælti konungr: þat skal nú skíótt reyna hvert hann er sva ör sem þú segir, gack til hans ok bið hann gefi mér skyckiu sína. Síðann fór Þjóðólfr, ok kom inn í skémmu eina, þar er Brandr var fyrir. Hann stóð á gólfinu, ok stikadi lérept; hann var í skarlats kyrtli, ok hafði yfir utann skarlats skyckiu, ok hafði skyckiu-böndinn upp á höfði sér, meðann hann stikade léreptid, hann hafði öxi gullrekna í handar-krika. Þjóðólfr mælti: konungr vill þiggja af þér skyckiuna. Brandr héldt fram athöfn sinne, ok svaradi öngvu, ok lét falla skyckiuna aptr af herdum sér. Þjóðólfr tók upp ok færði konungi. Konungr spyr hverfu færi með þeim. Hann sagði Brandr hefði eingi ord um; sagði Þjóðólfr ok frá athöfn hans ok búninge. Konungr mælti: víst er sá madr skapstór ok mun vera mikels háttar, er hanum þókti ei þurfa ord um at hafa; gack enn, ok seig, at ek vil þiggja af hanum öxi hina gullreknu. Þjóðólfr mælti: ei er mér miket um at fara optar, veit ek ei hverfu hann vill taka, ef ek kref vopns úr hendi hanum. Konungr mælti: þú vaktir þetta mál, ok sagdir mér af örleik hans, bæði nú ok fyrr; þyki mér hann ecki ör, ef hann gefir mér ei öxina. Þjóðólfr fór, ok sagði Brandi, at konungr villde þiggja öxina. Hann rétti þegar frá sér öxina, ok mælti ecki. Þjóðólfr færði konungi öxina, ok sagði hverfu farit hafði. Konungr mælti: meire von er, at þessi madr sé örvari enn flestir menn adrir, ok heldr féna nú; far þú enn ok seig, at ek vil hafa kirtelinn, sem hann stendr í. Þjóðólfr mælti: ecki heyrir mér herra at fara til þessa, kann vera at hann virde sem ek vile spotta hann. Þú skalt fara, sagði konungr. Þjóðólfr fór ok sagði Brandi, at konungr vill hafa kirtelinn. Brandr brá þá fylsanne, ok steipte af sér kirtlinum, ok mælti ecki; hann spretti af annari erminne,

Historiola de Brando Liberali, Vermundi filio.

Æstate aliqua venit ex Islandia ad Norvegiam Brandus Vermundi Teneri in Vatnsfiordo filius. Dictus ille fuerat Brandus Liberalis, iusto quidem cognomine. Navim aliquando suam ad Nidarosiam appulerat. Poëta Thiodolfus ejus amicus Regi Haraldo multa de Brandi munificentia et generositate narraverat. Brandus ubi ad urbem venit, Thiodolfus id Regi indicavit, ejus simul in Islandia gratiositatem et liberalitatem deprædicans. Ad hæc Rex: mox, inquit, experiundo comprobabitur, utrum recte se habeant ejus munificentiae, quas a te audivi, laudes; illum adi et jube pallium suum mihi dare. Ivit Thiodolfus et domunculam intravit, in qua Brandus morabatur. Stabat in medio pavimento, linteum ulna dimetiens. Tunicam gerebat coccineam, et supra eam coccineum pallium, cujus lora supra caput ligaverat, dum linteum dimetiebatur. Habebat sub axilla securim, cujus capulus aureis bullis interstinctus erat. Thiodolfus ad eum conversus: Rex, ait, pallium tuum sibi dari cupit. Brandus in negotio suo perrexerit, et, nil respondens, pallium ab humeris suis dejecit, quod sublatum Thiodolfus Regi tradidit. Quærenti huic, quomodo res inter illos transacta esset, retulit Thiodolfus Brandum silentium prorsus servasse, omnemque ejus occupationem et habitum exposuit. Tum Rex: sane ille, inquit, vir animi est erecti, altosque gerit spiritus, siquidem respondere dedignatus est; verum i, eumque fac certior, quod securim ejus aureo capulo splendentem habere velim. Regesit Thiodolfus: non valde volupe mihi est hocce mandatum, cum nesciam, num boni consulere velit, quod ipsa arma ejus manui extorqueam. Atqui, ait Rex, inchoasti ipse hoc negotium, dum et nunc et antea ejus liberalitatem laudabas; sed nisi securim mihi dederit, non mihi liberalis videtur. Sic Thiodolfus Brandum adiit, monuitque poscere Regem ejus securim. Ille eam mox ne verbo quidem addito porrexit. Cum Thiodolfus Regi securim ferret, et quomodo res gesta esset, exponeret, Rex subjecit: luculentum est hunc virum plerisque aliis munificentior, esse, jamque mea gazæ haud parum augentur. I nunc eique dicito, quod tunicam qua indutus est mihi tradi velim. Obloquitur Thiodolfus atque: non decet me do-

minne, ok hafði eptir, enn kaftaði kirtlinum til Þiódólfs, enn hann færði konungi. Konungr leit á ok mælti: þessi maðr er bæði vitr ok stórlyndr; auðsét er mér, at því hefir hann erminne afsprett, at hanum þyker sem ek eige eina hendina til þess þó at þiggja jafnann, enn alldri at géfa; ok far nú eptir hanum. Ok var sva giört; kom Brandr, ok fagnadi konungr hanum vel; ok þá Brandr af konungi miklar virdingar ok stórgiafer; ok endar af hanum at segia.

domine talem proponere conditionem, nam opinabitur forte, me eum ludibrio habere. Rege vero id pro imperio iubente ivit Thiodolfus, ostenditque Brand, quod Rex tunicam postularet. Tum Brandus, interrupto tantisper suo negotio, tunicam sibi exuit, atque, etiamnunc tacens, altera manica disuendo refecta sibi que servata, eam ad Thiodolfum rejecit. Ubi tunica Haraldo tradita erat, Rex eam oculis lustrans subjecit: Ille vir ingeniosus non minus quam generosus dicendus; perspicuum mihi est, eum manicam ideo refecuisse, quia ipse videbar modo unam manum, videlicet ad accipiendum, non item ad dandum, habere; jamque ito eumque arcescito. Secutus invitationem Brandus venit; Rex eum benigne excepit magnaque dignatione et largis muneribus ornavit. Atque ita explicit hac historiola.

Transgredimur ad commemorandum id, cui edendo isto commentariolo profluum est. Celebrari in Universitate solent Regis natalia cum publica pænegyri habenda, tum distribuendis præmiis inter juvenes academicos, qui sua in solvendis thematibus, quæ anno præcedente in variis disciplinis proposita fuere, solertiâ ea meruerint, novisque in annum sequentem proponendis. Ut ab his incipiamus, quæstiones, in quibus ingenia se exercitare poterunt, sic ut intra Calendas Decembres Commentarios Rectori Magnif. tradant, sunt sequentes:

IN THEOLOGIA.

Cum utraque doctrinam morum tradendi methodus, five separatim five conjunctim cum disciplina dogmatica, suis commendetur commodis, suisque prematur incommodis, quæritur, quid hoc nomine pro vario institutionis christianæ scopo observandum sit?

IN JURISPRUDENTIA.

Quo fundamento nititur præscriptio immemorialis et quomodo differt a cæteris præscriptionis speciebus? anque jure universali admittenda? quatenus denique obtinet cum ex jure Romano et præcipuis exteris legibus hodiernis tum ex jure patrio?

IN MEDICINA.

Quotuplici ratione natura hominis agit ad morbos tollendos et levandos?

IN PHILOSOPHIA.

Exponatur sententiâ Aristotelis: virtutem consistere in medio, quod æqualiter absit ab utroque extremo; atque ad crisin vocetur.

IN MATHESI.

Datur:

1. curva $A M C$. revolutione circa axem verticalem $A B$ Conoides generans, basi circulari radio $B C$ descriptæ insistentis.
2. diameter, distantia a centro baseos atque elevatio sphæræ alicujus (conoides illud illuminantis) supra planum baseos, e centro hujus baseos spectatæ.

Quæritur:

1. figura umbræ atque penumbær.
2. indoles curvarum in superficie conoides terminatricium, partem illuminatam ab obscura distingventium, idque
3. tam in genere pro qualibet curva generante, quam in specie pro conoide parabolico e revolutione parabolæ Apollonianæ orto.

IN HISTORIA.

Unde existit obligatio Cleri Danici ante reformationem Regi militiam præstandi, et quatenus huic obligationi a Clero revera satisfactum est?

IN PHILOLOGIA.

Quænam fuerunt Græcorum notiones de anni temporum geniis, qui vocantur Ὠραί?

IN ÆSTHETICIS.

At bestemme Forholdet mellem Natur og Kunst, med særdeles Hensyn til hvad Kunsten deels kan tillade sig, deels endog udfordrer.

IN HISTORIA NATURALI.


Licet plantæ cryptogamicæ, quæ in patria vigent, seriori tempore diligenter investigatæ sint, nonnulla tamen genera restant, quæ industriam Botanicorum Danicorum minus quam Anglicorum et Germanicorum excitaverunt. Exemplo sit genus Jungermannia, specierum ditissimum, quarum certe plures, quam quas Floræ nostræ hactenus exhibent, in patriis locis nascuntur. Postulatur igitur huius generis Monographia, species indigenas, diagnosibus luculentis et descriptionibus completis illustratas complectens, adjectis simul rectis synonymis, locis natalibus, bonarumque iconum citationibus. Delineationes accuratæ specierum, si quæ dantur, novarum, aut specimina earundem bene siccata completaque commentationi subjiciantur.

Panegyrim itaque indicit UNIVERSITAS REGIA HAVNIENSIS ad celebrandum diem natalem MONARCHÆ NOSTRI AUGUSTISSIMI **FREDERICI SEXTI**. Auctore COLLEGIO REGIO, *quod rem Academicam et Scholasticam moderatur*, habebitur illa d. II. Febr. hora XII in Auditorio Domus Regiæ. **RECTOR UNIVERSITATIS, FREDERICUS THEODORUS HURTIGKARL**, Profesfor Juris Publicus Ordinarius Regique a Consiliis Status, cathedram conscendet publicaue oratione gratos et devotos Academicorum omnium in Regem, Reginam, Domumque omnem Regiam sensus, et candidissima pro Augustis Capitibus vota precesque pie interpretabitur. Tum de XI, quæ hoc anno elaboratæ fuere, civium nostrorum commentationibus, Censurum judicia præleget, victorumque nomina, ruptis quæ ea celant schedulis, pronunciabit.

Invitati hac charta estote, Lectores Benevoli, ad istud festum nobiscum solenniter obeundum; facireque, ut panegyris, quam votorum sinceritas coëgit, participantium quoque frequentia concelebretr.

Dabamus Havnia d. XXVII. Januar. a. MDCCCXIX.

SUB UNIVERSITATIS SIGILLO.



BM. 26.

B-11. vol. 1.

